

大乘大方等日藏經

第八

虞八

九十四

47712



皇
圖
聖
華

帝
漸
銀
昌

佛
日
增
輝
懋
容
輪
常
轉

元
祿
五
年
丙
子
二
月
日
重
脩

山
城
州
五
安
寺
法
金
剛
院
置



大乘大方等日藏經卷第八

隋天竺三藏那連提耶合譯

魔王波旬星宿品第八之二

爾時佉盧虱吒仙人告一切天言初置星宿
昂為先首眾星輪轉運行虛空告諸天眾說
昂為先其事是不爾時日天而作是言此昂
宿者常行虛空歷四天下恒作善事饒益我
等我知彼宿屬於火天是時眾中有一聖人
名大威德復作是言彼昂宿者我妹之子其
星有六形如剃刀一日一夜歷四天下行三
十時屬於火天姓鞞耶尼屬於彼宿者祭之用
酪佉盧虱吒仙人語諸天曰如是如是如汝



虞

等言我今以昴為初宿復次置畢為第二宿
屬於水天姓頗羅隨畢有五星形如立义一
日一夜行四十五時屬畢宿者祭用鹿肉復
次置觜為第三宿屬於月天即是月子姓毗
梨伽耶尼星數有三形如鹿頭一日一夜行
十五時屬觜宿者祭根及果次復置參為第
四宿屬於日天姓婆私失締其性大惡多於
瞋忿只有一星如婦女麤行一日一夜四十
五時屬參宿者祭用醍醐次復置井為第五
宿屬於日天姓婆私失締其有兩星形如脚
跡一日一夜行十五時屬井宿者以粳米華
和蜜祭之次復置鬼為第六宿屬歲星天歲

星之子姓炮波那毗其性溫和樂修善法其
有三星猶如諸佛曾前滿相一日一夜行三
十時屬鬼星者亦以粳米華和蜜祭之次復
置柳爲第七宿屬於蛇天即姓蛇氏只有一
星如婦女麤一日一夜行十五時屬柳星者
祭用乳糜右此七宿當於東門次復置南方
第一之宿名曰七星屬於火天姓賓伽耶尼
其五星形如河岸一日一夜行三十時屬七星
者宜用粳米烏麻作粥祭之次復置張爲第
二宿屬福德天姓瞿曇弥其星有二形如脚
跡一日一夜行三十時屬張宿者毗羅婆果
以用祭之次復置翼爲第三宿屬於林天姓

僑陳如其有二星形如脚跡一日一夜行十
五時屬翼星者用青黑豆煮孰祭之次復置
軫爲第四宿屬沙毗梨帝天姓迦遮延蝎仙
之子其星有五形如人手一日一夜行三十
時屬軫星者作莠稗飯而以祭之次復置角
爲第五宿屬喜樂天姓質多羅延尼軋闍婆
子只有一星如婦人麤一日一夜行十五時
屬於角者以諸華飯而用祭之次復置亢爲
第六宿屬摩妬羅天姓迦旃延尼其有一星
如婦人麤一日一夜行十五時屬亢星者當
取菘豆和酥蜜煮以用祭之次復置氐爲第
七宿屬於火天姓此吉利多耶尼互有二星形如脚跡一日

一夜行四十五時屬蠃五宿者取種種華作食祭之
右此七宿當於南門次復置西方第一之宿
其名曰房屬於慈天姓阿藍婆耶尼房有四
星形如瓔珞一日一夜行三十時屬房宿者
酒肉祭之次復置心爲第二宿屬帝釋天姓
迦羅延那心有三星形如大麥一日一夜行
十五時屬心星者以粳米粥而用祭之次復
置尾爲第三宿屬獵師天姓迦遮耶尼尾有
七星形如蝎尾一日一夜行三十時屬尾星
者以諸果根作食祭之次復置箕爲第四宿
屬於水天姓持义迦旃延尼箕有四星形如
牛角一日一夜行三十時屬箕宿者取尼拘

陀皮汁祭之次復置斗為第五宿屬於火天
姓摸伽羅尼斗有四星如人拓地一日一夜
行三十五時屬斗宿者末粳米華和蜜祭之
次復置牛為第六宿屬於梵天姓梵嵐摩其
有三星形如牛頭一日一夜行於六時屬牛
宿者以醍醐飯而用祭之次復置女為第七
宿屬毗紐天姓帝利迦遮耶尼女有四星如
大麥粒一日一夜行三十時屬女宿者以鳥
肉祭之右此七宿備於西門次復置北方第
一之宿名為虛星屬帝釋天娑婆天子姓憍
陳如虛有四星其形如鳥一日一夜行三十
時屬虛宿者煮烏豆汁而用祭之次復置危

爲第二宿屬多羅拏天姓單那尼危有一星
如婦人麤一日一夜行十五時屬危宿者以
粳米粥而用祭之次復置室爲第三宿屬蛇
頭天蝎天之子姓闍都迦尼拘室有二星形
如腳跡一日一夜行三十時屬室星者肉血
祭之次復置辟爲第四宿辟屬林天婆婁那
子姓陀難闍辟有二星形如腳跡行一日一
夜四十五時屬辟星者以肉祭之次復置奎
爲第五宿屬富沙天姓阿虱吒排尼奎有一
星如婦人麤一日一夜行三十時屬奎宿者
以酪祭之次復置婁爲第六宿屬軋闍婆天
姓阿舍婆婁有二星形如馬頭一日一夜行

三十時屬婁星者以大麥飯并肉祭之次復
置胃為第七宿屬閻摩羅天姓跋伽毗胃有
三星形如鼎足一日一夜行三十時屬胃宿
者粳米烏麻及以野棗而用祭之右此七宿
當於北門二十八宿有五宿行四十五時所
謂畢參玄斗辟等二十八宿言義廣多難曉

深趣不可具宣我今略說說是宿時同聞諸
天皆悉歡喜尔時殊致阿羅娑仙人告諸天
曰是佉盧虱吒仙人於過去世亦造惡業罪
因緣故雖得人身半為驢狀以有慈力其罪
除滅更得最好端正之身猶如帝釋告諸龍
等我以福德諸因緣故如彼仙人為一切天

而作導師今亦如是能教汝等深實語言諸
龍當知佞盧虱吒似釋身已是天人衆皆悉
歡悅一心合掌作如是言今大聖人爲我等
說往昔之事何者星宿行最在前食何等食
作何事業行於虛空復幾許時如是問已仙
人荅言汝等一切至心聽受我以慈力還得
端正今復憐愍安隱衆生說一年內事之終
始令於汝曹如盲得目初日星宿乃至月滿
諸星所在皆悉具說爲欲利益諸衆生故安
置昴宿在衆星前汝等諸天以爲是不一切
天言善哉善哉我等經歷星宿知昴最尊大
威德天之外甥也其有六子運行虛空是故

昴星可爲先首佉盧虱吒仙人言月合諸星
起昴終胃月行宿訖一月將滿八月黑初月
合在胃如是次第輪轉不息我今復說刹那
之數一千六百刹那名一迦羅六十迦羅名
摸呼律多三十摸呼律多爲一日夜胃宿縱
惡自在如首羅天能護四方皆得安隱汝等
天人見彼爲惡勿生嫌怪嚴治形法乃護衆
生一切天言如是如是如聖人教嚴於法令
乃濟衆生月與胃合其日病者或輕或重難
可療治其日生者性多瞋憤獷惡剛毅難可
親昵有大官位能勝衆生元虛參胃此四宿
日不得入陣鬪戰不可遠行不得剃頭及以

治鬚畢牛軫星此三宿日乃宜鬪戰及以遠
行剃頭洗頭柳張宿日可得造作一切諸事
昴宿翼宿斗宿此三宿日求財可得宜服醫
藥持戒布施宜作新衣及造瓔珞甯宿角宿
女宿七星之宿此四宿日宜於行來道路安
隱玄宿井宿危宿此三宿日作惡得成房宿
柳宿心宿婁宿七星之宿張宿此六宿日得
造輦車床及繩床并諸衣服要結知識昴宿
速疾作種種業其速如火其日得病酪飯祭
之四日除愈其日生者常得大富其日入胎
斗宿房宿虛宿柳宿室宿此五宿日不宜造
作一切諸事唯得共於大敵鬪戰并玄翼宿

此三宿日善惡之事皆悉得作畢宿之日亦得自在井亥危宿此三宿日昴宿生者於此日內不得作事遠行鬪擊假令急事亦不得作女角觜宿此三宿日亦為最惡翼宿之日與怨家鬪獲得其勝或剛或柔還致和合軫宿牛宿此二宿日求伴不得服藥合藥出家布施造新衣服瓔珞床鋪卧具等物皆得成就參宿虛宿亢宿此三宿日行來安隱鬼尾室宿此三宿日其他造惡離於慈心種種得作七星宿日心宿房宿柳宿辟宿此五宿日宜結婚姻宜造輦車及以牀縵參宿之日作事亦吉然於一切須生憐愍畢星水姓汝等

於此第二宿日造柔輓事悉得和合其日病者以香祭火五日後愈其日生者其人大富福德樂法牛宿奎宿七星宿日及心宿日而受胎者其人薄德常作下事鬼尾室宿此三宿日一切事業皆不得作不得鬪戰不得遠行不得詣官賣買交易工巧作務皆不得作元宿虛宿此二宿日若作好事不得和合唯宜鬪戰克獲勝捷軫宿之日爲事有利利作柔輓無有障礙崙宿角宿女宿等日衆事和合所作成辦服藥得力若欲捨施若造衣服及以瓔珞皆悉得作井宿玄宿危宿等日遠行安隱房宿柳宿辟宿等日欲離慈心造罪

得成斗宿箕宿婁宿胃宿室宿翼宿此六宿
日宜結親友婚娶知識牀鋪輦舉皆悉得造
觜宿四日用事於此世間作諸事業疾速自
成其日病者且糜祭月八日除愈其日生者
爲人猛健大富饒財當爲婦女見諸惡事宜
自防護我說不虛觜宿生人若以女宿婁宿
斗宿張宿等日而入胎者爲惡不善昴宿房
宿柳宿此三宿日不得鬪戰不得遠行及向
官府有須行者應止勿去井宿亥宿危宿等
日造作衆惡不相和順妄言諂曲欲殺怨家
皆得成就角宿之日欲作事者剛柔並得參
宿之日作事利益能致自在元虛二宿不相

和合參宿之日乃得利益其日服藥出家布
施瓔珞衣服並皆得作鬼宿尾宿室宿等日
遠行安隱心宿奎宿七星宿日此三宿日欲
作惡者惡事得成軫宿胃宿畢宿牛宿箕宿
等日宜結親友得好知識婚嫁吉事輦車牀
纏皆悉得造參宿五日用事能成諸惡欲爲
業者少於利益其日病者以生酥糜祭於四
道十日得愈其日生人性雖聰明而心懷惡
求於錢財遂至於死亦主作賊致失身命其
日生人及入胎者虛宿心宿奎宿翼宿斗宿
胃宿此六宿日多爲障礙乃至鬼尾室宿等
日亦不和合一切諸事皆不得作亢宿之日

欲造作者宜爲輕事玄宿危宿井宿奎宿此
四宿日乃得自在井宿六日用事其爲惡業
分判果決其日得病炒粳穀華祭於日天八
日得愈其日生人及受胎者宜爲田作當得
大富又饒畜產象馬羊等於辟宿日百事不
宜柳宿房宿此二宿日造作百事多有耗散
玄宿之日宜作衆事如意自在鬼宿參宿尾
宿等日宜造百事所求稱意心宿星宿奎宿
等日宜出遠行道路安隱所向和合斗宿翼
宿奎宿等日宜結朋友求善知識元宿畢宿
觜宿虛宿此四宿日爲井生人作諸障礙鬼
宿七日用事能爲柔輒不破善法其日得病

以黃石蜜祭於歲星五日除愈其日生者此
人持戒好樂善事得大官位國師宰輔常教
國王善法治世至於娶妻特難和合慤勤因
人然後成就其日生人欲在室宿鬼宿翼宿
婁宿斗宿等日受胎者吉畢角女宿此三宿
日爲其障礙七星心宿奎宿之日作事不成
當失財物尾宿之日作事得成房宿之日亦
多利益辟宿柳宿此二宿日爲事不稱張宿
之日遠行安隱婁宿箕宿爲其障礙軫牛昴
宿此三宿日作事和合必得良伴亢宿觜宿
參宿虛宿宜結朋友及善知識亢宿危宿此
二宿日所求者得多有利益柳宿八日用事

一切惡業皆悉能作於世間中如閻羅王其
日病者不可療治其日生者性多瞋怒無有
慈悲多造憊過人所憎嫉能破善法常好獵
射辟宿牛宿此二宿日入胎者吉軫宿昴宿
入胎者凶觜宿虛宿元宿張宿此四宿日不
宜作事多有耗散箕宿婁宿房宿等日宜作

衆事得好成就心宿之日七星宿日胃宿之
日遠行安隱翼宿斗宿女宿等日宜修讀學
技藝成就角宿斗宿危宿尾宿畢宿此五宿
日宜結知識五宿參宿井宿室宿此四日亦
復宜結諸善知識七星九日用事於諸衆生
溫和柔軟其日病者以胡麻油和粳米飯祭

其先人八日除愈其日生者聰明福德常爲
善事然彼人性微好妄言若護其身宜慎妄
語其人作事利心宿日奎宿亥宿此三宿日
受胎者貧乏少財物參宿危宿畢宿等日受
胎者凶常作惡事角宿女宿此二宿日受胎
亦貧好爲惡事翼胃斗宿此三宿日而受胎
者作事自在得他人物婁宿張宿箕宿等日
欲作事者多饒障礙軫宿牛宿昴宿亥宿此
四宿日行來安隱作事和合虛宿觜宿此二
宿日爲其障礙張宿十日用事作柔輒事安
隱世間其日病者以頻婆果生蘇祭神七日
得瘥其日生者性樂芳香衣裳瓔珞貪於欲

事而復嗜酒若在衆中須自慎做婁宿井宿
此二宿日受胎最惡虛亢觜宿是三宿日受
胎亦惡不宜作事昴軫牛宿此三宿日亦多
障礙張宿之日乃得自在胃宿斗宿此二宿
日有所求者不得如意玄宿之日其受胎者
能除障礙危宿參宿畢宿女宿此四宿日遠
行安隱柳宿奎宿鬼宿心宿房宿辟宿此六
宿日欲結知識障礙不成翼宿十一日用事
行四天下作兩種業所謂詔曲及柔輒事其
日得病煮黑青豆以用祭神十日除愈其日
生者宜於種植然性愚癡慳貪鄙恪不能喜
捨亦能不食五日六日乃至七日不爲世人

之所愛樂善須謹慎防護怨家不宜鬪諍胃
宿之日而入胎者多造諸惡危宿參宿亥宿
房宿此四宿日善惡二事並皆得作房宿之
日無有善惡辟宿鬼宿此二宿日有受胎者
好失財物胃宿婁宿斗宿此三宿日受胎之
者軫牛昴宿此三宿日作事和合若於虛宿
觜宿元宿此三宿日作事者成得三宿力遠
行安隱井室尾宿此三宿日無善無惡婁宿
七星奎宿柳宿心宿等日結善知識嫁娶之
事皆得和合軫宿十二日用事為惡自在速
疾如風其日得病以酪祭神五日除愈其日
生者大富饒財能用五兵刀槊弓箭箭闔輪絹

索能作大賊殺害衆生若修善者亦能持戒
喜捨布施種種功德皆悉能作其人行處七
步之內蛇不敢前其日入胎於諸賊衆而得
爲主又能持戒喜捨布施尾宿之日其受胎
者所在之處無有障礙入陣鬪戰能勝怨敵
井宿室宿二宿之日其受胎者從生至死常
宜作事牛亢虛宿此三宿日其受胎者唯除
牛宿不宜作事其餘亢虛及女觜宿此四宿
日作事利益得於自在亢畢危等此三宿日
遠行安隱玄宿參宿房宿辟宿此四宿日作
種種事得人氣力又宜娶婦要結親友及善
知識箕宿七星婁宿斗宿張宿胃宿此六宿

日有造作者如上利益角宿十三日用事為
惡速疾其日病者去菘豆皮生擣祭神六日
除愈其日生人嘲戲音樂歌舞作唱皆悉能
解復能捨施又多色欲亦復愛樂有智之人
其人入胎宜畢宿日婁宿七星箕宿等日其
人入胎多造作惡事辟宿房宿鬼宿等日其
人作事種種皆吉無有障礙危宿亥宿參宿
等日若作事業亦得自在觜宿元宿虛宿尾
宿此四宿日遠行安隱觜宿柳宿營事業者
得知識力心宿奎宿斗宿昴宿翼宿牛宿張
宿此七宿日宜結親友婚姻等事元宿十四
日用事能於世間作諸惡業其性疾速為業

快利其日得病極惡難治華蜜祭神二十五
日乃可得愈其日生者善能筭計大富饒財
其性慳貪不能喜捨又多瞋恚心意難得若
見特牛及黃腰者須自防護其人若在觜宿
箕宿此二宿日而入胎者爲惡不善張宿胃
宿柳宿心宿此四宿日欲作事者無有善惡
室宿尾宿井宿等日欲爲事者多有障礙參
亥危宿此三宿日有所營者得他人力婁宿
箕宿七星之宿此三宿日遠行安隱房鬼辟
宿此三宿日宜結親友娶婦之事軫宿女宿
畢宿昴宿牛宿翼宿元宿此七宿日但宜行
來餘不可作亥宿十五日用事能作諸惡人

所畏敬其日得病以華祭神滿十五日乃得除
愈其日生者威德肅然大富饒財其性慳貪
姪他婦女須自治身勿行此事其人入胎宜
在參宿欲作諸事宜在危宿若七星宿婁宿
箕宿日作事者成無有善惡若昴宿日牛宿
翼宿營事則惡多有障礙辟宿房宿尾宿此
三日則有利益室宿之日遠行安隱心奎柳
宿此三宿日欲爲事者得他人力張宿斗宿
胃宿此三宿日宜結親友娶婦之事房宿白
月一日用事能於世間作速疾事其日病者
作青豆飯以用祭神十日除愈其日生者有
墮崖岸刀兵之厄於此二事須自護身宜於

治生販賣之業軟弱儒雅樂法信福其人入
胎宜井宿日張宿斗宿胃宿等日欲作諸事
無有善惡軫畢女宿此三宿日作事者凶心
宿柳宿奎宿此三宿日作事者吉室宿房宿
鬼宿辟宿此四日作事安隱而得自在箕宿
婁宿此二日遠行安隱得知識力虛宿昴宿
張宿翼宿作事有利得其星力觜宿角宿虛
宿元宿參宿此五宿日要結親友大小知識
娶婦皆吉心宿二日用事好作惡事其日得
病以粳米飯并大麥飯黃石蜜等祭帝釋天
經十三日然後除愈其日生者性多瞋恚無
有慈心縱持戒者亦復破戒若見於他行淨

行法宜於此處須自慎做生產之所亦須護
身此心宿日入胎者吉角虛觜宿此三宿日
入胎不吉昴牛翼宿此三宿日宜作諸事辟
宿之日若作事者多有障礙七星箕婁此三
宿日乃得自在多有利益尾宿柳宿奎宿危
宿軫宿畢宿此六星宿得他人力胃張斗宿
此三宿日宜遠行來道路安隱室宿亢宿危
宿井宿亥宿參宿此六宿日宜結親友及以
娶婦尾宿三日用事剛柔二事皆悉能作其
日得病取諸果根及果華氣以用祭神三十
日愈其日生者大富饒財多有穀麥其人
有相神德之人唯生產處須自防慎亦復好爲

草馬所躡至草馬所又須自備尾宿之日而入胎者柳宿角宿危宿參宿此四宿日宜作惡事軫宿房宿畢宿奎宿此四宿日不可造作諸種事業危宿之日惡事得作斗宿翼宿胃宿此三宿日欲作惡事無有利益多諸煩惱箕宿七星婁宿此三宿日乃得自在為有利益角宿虛宿昴宿此三宿日得他人力而獲自在昴宿牛宿張宿此三宿日行來安隱室宿辟宿井宿鬼宿房宿亥宿此六宿日宜結知識大小親友婚姻嫁娶其事皆吉箕宿四日用事其日得病應以麻糜尼俱陀子祭於水神八月乃愈其日生人善能耕田行船之

業其性精進行十善業多聞智慧有大名譽
大富饒財常與智人共相隨逐七星宿日及
婁宿日宜作諸業角宿虛宿此三宿日造作
諸事無善無惡亥宿室宿此二宿日爲事不
吉井宿之日經營事者失於舊業翼宿昴宿
牛宿等日欲爲事者自在如意能有利益張
宿胃宿斗宿等日造作事者得他人力亦爲
有利參宿元宿危宿等日欲作事者亦得他
力軫宿畢宿女宿等日若欲遠行道路安隱
奎宿鬼宿柳宿房宿辟宿此五宿日宜結親
友娶婦之事斗宿五日用事作柔輒業其日
得病炒粳穀華以蜜和之用祭諸神七日除

愈其日生者是智慧人少病大富多有知識
其人入胎宜在張宿若在危參元宿等曰平
無善惡欲營衆事皆悉成就辟宿房宿鬼宿
胃宿此四宿曰作事不吉畢女軫宿此三宿
曰欲求自在多有障礙昴宿牛宿翼宿等曰
欲營事者自在如意玄宿井宿室宿等曰亦
宜作事有其福力角宿崑宿虛宿等曰若遠
行者道路安隱奎宿柳宿房宿婁宿七星心
宿此六宿曰宜結親友嫁娶之事牛宿六日
用事其日生者爲性剛毅心無怖畏猛健勝
人能破國土前無強敵大富饒財若入胎者
宜在翼宿一切衆星不爲障礙皆作善友女

宿七日用事其日得病經十二月石蜜及華
祭於山神乃得除愈其日生者遠行遇伴宜
以治生作柔輦事其人
有智少於疝疾常得
世間國王供養軫宿之
日入胎者平無有善
惡鬼宿房宿此二宿日
為作障礙七星宿日
心宿女宿畢宿此四宿
日宜造衆事元宿危
宿參宿等日作事不合
虛宿紫微宿乃得和合
如意自在室宿井宿
丑宿等日遠行安隱亦
得自在奎宿房宿柳宿
等日欲營事者得他
人力亦遇良友昴宿
張宿翼宿等日宜結
親友虛宿八日用事
其日得病一年乃愈
應以菘豆烏豆小豆
江豆作四種臙香華
祭神其

日生者性多瞋貪貧無衣食於色欲間亦復
乏少依約親屬常多怖畏若角宿日受胎者
吉張宿胃宿箕宿之日受胎者惡多有障礙
房宿柳宿奎宿等日入胎者平無有善惡玄
宿井宿室宿等日受胎亦惡離散不合元危
參宿此三宿日作事利益得有和合觜宿之
日欲作事者一切得作鬼宿尾宿辟宿此三
日宜以遠行道路安隱婁宿七星心宿等日
若爲事者得善知識及於良伴翼宿箕宿昴
宿等日亦宜要結諸親友等畢宿牛宿此二宿
日亦復宜於結大善友危宿九日用事其性
柔輒其日得病酥乳酪糜以祭水神七日除

愈其日生者性多瞋忿猛健勇銳而有水厄
若至水所須自防慎亢宿之日入胎者吉婁
宿七星心宿等日若作事者平無善惡斗宿
昴宿翼宿此三宿日作事者惡辟宿鬼宿尾
宿參宿此四宿日作事亦惡不得如意室宿
井室玄宿之日作事和合而得安隱七星之
宿房宿柳宿奎宿等日遠行安吉張宿箕宿
胃宿等日欲作事者得良伴力角宿女宿觜
宿軫宿畢宿牛宿此六宿日宜結善友及以
納妻室宿十日用事其性速疾其日得病以
種種華用祭於神三十日愈其日生者姦偽
作賊愚癡妄語殺害衆生心常作惡不畏父

母若鬪諍盜賊如是等處橫羅其殃其人入胎必在亥宿若作事者箕宿胃宿張宿之日無有障礙處處可為畢宿軫宿牛宿此三宿日若作事業一切皆惡井宿之日作事乃吉房宿柳宿奎宿之日造作事者多有障礙不得利益鬼宿尾宿辟宿之日宜作事業為得利益婁宿七星心宿等日遠行安隱昴宿斗宿箕宿等日若作事者得良伴力虛宿觜宿角宿等日宜以要結小知識者虛宿參兀宿等日宜以要結大知識者辟宿十一日用事其日得病華及鹿脯以祭火神滿七日愈其日生者其人智慧樂聖人法學於衆藝種種

皆能歌舞伎唱亦復悉解又主大富多有金
銀及饒穀帛若入胎者宜尾宿日昴宿斗宿
此三宿日造作衆事平無善惡鬻女鬼宿此
三宿日爲事成就心婁七星此三宿日爲事
多障柳宿房宿此二宿日欲作事者和合如
意軫宿牛宿畢宿之日作事自如逢遇良伴
張宿胃宿箕宿之日行來安隱元宿虛宿參
宿宜可要結小知識者井宿玄宿危宿等日宜
可要結親友大吉奎宿十二日用事其日得
病宜以香華祭於神祇經二十日乃得除愈
其日生者作柔輒事有大勢力人所尊重唯
於閭裏須自護身大富饒財金銀穀帛無有

限量治生有利得他人物彼人入胎宜在心
宿軫宿畢宿牛宿等日亦多畜積亢宿虛宿
此二宿日作事者平無有善惡參宿之日不
可作事柳宿翼宿斗宿昴宿此四宿日行來
安隱女宿畢宿角宿之日若作事者為得良
伴箕宿張宿胃宿等日欲作事者無有障礙
為得人力婁宿心宿尾宿此三宿日欲結知
識為有利益井宿亥宿危宿此三宿日宜可
要結知識小者鬼宿尾宿室宿此三宿日宜
可要結知識大者婁宿十三日用事其日得
病麥粥祭神二十五日然後除愈其日生者
為性躁疾常護衆生不害物命若至關津須

自防慎當作醫師善解方藥能療衆病亦復
善能歌舞之事心宿之日有入胎者無有障
礙角宿觜宿女宿虛宿井宿亢宿危宿此七
宿日若作事者平無善惡此星宿日唯莫賣
買不宜行來及以剃頭亦不得至相鬪處所
昴宿斗宿張宿此三宿日宜報怨仇鬪諍得
勝宜作輕利輒事得成七星宿日作事牢固
亦有利益張宿箕宿胃宿此三宿日欲遠行
安隱辟軫畢宿此三宿日作事利益亦宜密
語參宿虛宿亢宿之日宜作惡事鬼宿尾宿
室宿等日宜可要結諸小知識柳宿房宿辟
宿等日宜可要結諸大知識爲得衆人愛護

於巳宜造床輦及買牛馬胃宿十四日用事
人生吉凶造作善惡疾病等事如上說了月
行虛空周帀宿訖還更起昴宿故言日虛空
月滿三十晝夜亦名月滿八月滿者起胃終
昴其月如是夜十五時晝十五時日午之影
長六腳跡婁宿夜行房在日前熒惑日子是

時隨日是八月時蝎神主備昴宿為業前巳
說竟是白月內次十五日昴又用事月合昴
星是八月滿昴與月合一日夜訖其次復轉
合於畢宿九月初日畢用事也九月黑月一
日合畢二日合觜三日合參四日合井五日
合鬼六日合柳七日合星八日合張九日合

翼十日合軫十一日合角十二日合元十三
日合亥十四日合房十五日合心是黑月滿
白月一日合尾二日合箕三日合斗四日合
牛五日合女六日合虛七日合危八日合室
九日合辟十日合奎十一日合婁十二日合
胃十三日合昴十四日合畢十五日合觜是
白月滿九月合觜宿滿晝十四時夜十六時
日午之影長八脚跡日行南陸昴宿夜行尾
在日前其九月時歲星用事爲一切天之所
尊敬得失諸事皆悉由之是九月時射神主
當十月黑月一日合參二日合井三日合鬼
四日合柳五日合星六日合張七日合翼八

日合軫九日合角十日合元十一日合亥十二日合
二日合房十三日合心十四日合尾十五日
合箕是黑月滿白月一日合斗二日合牛三
日合女虛四日合危五日合室六日合辟七
日合奎八日合婁九日合胃十日合昴十一
日合畢十二日合觜十三日合參十四日合
井十五日合鬼是白月滿十月合鬼宿滿晝
十三時夜十七時日午之影長十脚跡觜宿
夜行女在日前當此之時辰星用事是十月
時磨竭之神主當其月十一月黑月之內一
日合柳二日合七星三日合張四日合翼五
日合軫六日合角七日合元八日合亥九日

合房十日合心十一日合尾十二日合箕十三日合斗十四日合牛十五日合女是爲黑月滿白月一日合虛二日合危三日合室四日合辟五日合奎六日合婁七日合胃八日合昴九日合畢十日合觜十一日合參十二日合井十三日合鬼十四日合柳十五日合七星是白月滿十一月合七星滿晝十二時夜十八時日午之影十二脚跡鬼宿夜行危在日前近南轉辰星用事是十一月水器之神主當其月十二月黑月一日合張二日合翼三日合軫四日合角五日合元六日合亥七日合房八日合心九日合尾十日合箕十

一日合斗十二日合牛十三日合女十四日
合虛十五日合危是黑月滿白月一日合室
二日合辟三日合奎四日合婁五日合胃六
日合昴七日合畢八日合觜九日合參十日
合井十一日合鬼十二日合柳十三日合七
星十四日合張十五日合翼是白月滿十二
月合翼宿滿晝行十三時夜行十七時日轉
近比日午之影十二腳跡七星夜行天師歲
星用事之時是十二月天魚之神主當其月
正月黑月一日合軫二日合角三日合元四
日合亥五日合房六日合心七日合尾八日
合箕九日合斗十日合牛十一日合女十二

日合虛十三日合危十四日合室十五日合
辟是黑月滿白月一日合奎二日合婁三日
合胃四日合昴五日合畢六日合觜七日合
參八日合井九日合鬼十日合柳十一日合
七星十二日合張十三日合翼十四日合軫
十五日合角是白月滿正月合角宿滿晝行
十四時夜行十六時日轉近北日午之影長
八脚跡張宿夜行婁在日前日子熒惑嚴惡
速疾此時用事是正月時持羊之神主當其
月二月黑月一日合元二日合亥三日合房
四日合心五日合尾六日合箕七日合斗八
日合牛九日合女十日合虛十一日合危十

二日合室十三日合辟十四日合奎十五日
合婁是黑月滿白月一日合胃二日合昴三
日合畢四日合觜五日合參六日合井七日
合鬼八日合柳九日合星十日合張十一日
合翼十二日合軫十三日合角十四日合元
十五日合玄是白月滿二月合玄宿滿晝行
十五時夜行十五時日近北行日午之影長
六脚跡角宿夜行昴在日前阿脩羅師名曰
太白此時用事是二月時時牛之神主當其
月三月黑月一日合房二日合心三日合尾
四日合箕五日合斗六日合牛七日合女八
日合虛九日合危十日合室十一日合辟十

二日合奎十三日合婁十四日合胃十五日
合昴是黑月滿白月一日合畢二日合觜三
日合參四日合井五日合鬼六日合柳七日
合星八日合張九日合翼十日合軫十一日
合角十二日合元十三日合亥十四日合房
十五日合心是白月滿三月合心宿滿晝行
十六時夜行十四時日行近北日午之影長
四脚跡亥宿夜行觜在日前日子名曰佛陀
態多此時用事作柔輒業是三月時雙鳥之
神主當其月四月黑月一日合尾二日合箕
三日合斗四日合牛五日合女六日合虛七
日合危八日合室九日合辟十日合奎十一

日合婁十二日合胃十三日合昴十四日合
畢十五日合觜是黑月滿白月一日合參二
日合井三日合鬼四日合柳五日合七星六
日合張七日合翼八日合軫九日合角十日
合元十一日合亥十二日合房十三日合心
十四日合尾十五日合箕是白月滿四月合
箕宿滿晝行十七時夜行十三時日近北
行日午之影長兩脚跡房宿夜行日隨井星
是四月時蟹神主當五月黑月一日合斗二
日合牛女三日合虛四日合危五日合室六
日合辟七日合奎八日合婁九日合胃十日
合昴十一日合畢十二日合觜十三日合參

十四日合井十五日合鬼是黑月滿白月一
日合柳二日合七星三日合張四日合翼五
日合軫六日合角七日合元八日合亥九日
合房十日合心十一日合尾十二日合箕十
三日合斗十四日合牛十五日合女是白月
滿五月合女宿滿晝行十八時夜行十二時
日極行比日午之影長半脚跡箕宿夜行心
在日前是時日光炎熾大盛此五月時師子
之神主當其月六月黑月一日合虛二日合
危三日合室四日合辟五日合奎六日合婁
七日合胃八日合昴九日合畢十日合觜十
一日合參十二日合井十三日合鬼十四日

合柳十五日合七星是黑月滿白月一日合
張二日合翼三日合軫四日合角五日合元
六日合亥七日合房八日合心九日合尾十
日合箕十一日合斗十二日合牛女十三日
合虛十四日合危十五日合室是白月滿六
月合室宿滿晝行十七時夜行十三時強日

近南行日午之影長二腳跡女宿夜行張在
日前月子名覺此時用事此六月時天女之
神主當其月七月黑月一日合辟二日合奎
三日合婁四日合胃五日合昂六日合畢七
日合觜八日合參九日合井十日合鬼十一
日合柳十二日合七星十三日合張十四日

合翼十五日合軫是黑月滿白月一日合角
二日合元三日合亥四日合房五日合心六
日合尾七日合箕八日合斗九日合牛女十
日合虛十一日合危十二日合室十三日合
辟十四日合奎十五日合婁是白月滿七月
合婁宿滿晝行十六時夜行十四時日轉近
南日午之影長四脚跡室宿夜行角在日前
阿脩羅師名曰太白山此時用事是七月時秤
量之神主當其月尔時佉盧虱吒告天衆言
是諸月等各有所當汝可救濟四種衆生何
者為四救地上人諸龍夜叉乃至蝸等如斯
之類皆悉救之我以安樂諸衆生故布置星

宿各有分部乃至持呼羅時等亦皆具說隨其國土方面之處所作事業隨順增長佉盧虱吒於大衆前合掌說言如是安置日月年時大小星宿何者名爲有六時也正月二月名暄暖時三月四月名種作時五月六月求降雨時七月八月物欲熟時九月十月寒凍之時十有一月合十二月大雪之時是十二月分爲六時又大星宿其數有八所謂歲星熒惑鎮星太白辰星日月荷羅睺星又小星宿有二十八所謂從昴至胃諸宿是也我作如是次第安置說其法已汝等皆須亦見亦聞一切大衆於意云何我所置法其事是不二

十八宿及八大星所行諸業汝喜樂不爲是
爲非宜各宣說尔時一切天人仙人阿脩羅
龍及緊那羅等皆悉合掌咸作是言如今大
仙於天人間最爲尊重乃至諸龍及阿脩羅
無能勝者智慧慈悲最爲第一於無量劫不
忘憐愍一切衆生故獲福報誓願滿已功德
如海能知過去現在當來一切諸事天人之
間無有如是智慧之者如是法用日夜刹那
及迦羅時大小星宿月半月滿年滿法用更
無衆生能作是法皆悉隨喜安樂我等善哉
大德安隱衆生是時佉盧虱吒仙人復作是
言此十二月一年始終如此方便大小星等

剎那時法皆已說竟又復安置四天大王於
須彌山四方面所各置一王是諸方所各領
衆生北方天王名毗沙門是其界內多有夜
叉南方天王名毗留茶俱是其界內多有鳩
槃荼西方天王名毗留博叉是其界內多有
諸龍東方天王名題頭隸吒是其界內多乳
鬪婆四方四維皆悉擁護一切洲渚及諸城
邑亦置鬼神而守護之尔時佉盧虱吒仙人
爲於諸天龍夜叉阿脩羅緊那羅摩睺羅伽
人非人等一切大衆皆稱善哉歡喜無量是
時天龍夜叉阿脩羅等日夜供養佉盧虱吒
次復於後過無量世更有仙人名伽力伽出

現於世復更別說置諸星宿小大月法時節
要略尔時諸龍在佉羅垓山聖人住處尊重
恭敬光味仙人盡其龍力而供養之

大乘大方等日藏經卷第八

虞

昂音卯西鞞耶迷反菴子斯反失締下田反麁檢一

反黑炮步交乳糜下密當音當又反軫之刃

蝎許謁反莠稗上音酉元口浪反此音此魚

反又蘇胡反摸伽上莫反拓地託上音嵐郎舍反毗比細下

反久辟必亦奎傾圭鼎足頂上音外甥下音之音生姊謂

之獷惡上俱剛毅下魚既反親昵下尼日勝也

捷下才反耆音視也慎傲下音刀槩下前音絹索音

